



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e-mail: info@voda.ba

Broj: **UP-1/21-1-40-051-2/25**
Datum: **10.02.2025. godine**

«Agencija za vodno područje rijeke Save» Sarajevo rješavajući po zahtjevu Investitora Škaljić Asima iz Bužima za izdavanje prethodne vodne saglasnosti u postupku pribavljanja urbanističke saglasnosti za aktivnost ispuštanja tehnoloških otpadnih voda sa lokacije parkinga sa potpornim zidom u ulici Zmaja od Bosne, općina Bužim, na osnovu člana 139. stav 1. Zakona o vodama («Službene novine Federacije BiH», broj 70/06) i člana 200. stav 1. Zakona o upravnom postupku («Službene novine Federacije BiH», broj 2/98, 48/99 i 61/22), **donosi**

RJEŠENJE

1. Odbija se zahtjev Škaljić Asima iz Bužima za izdavanje prethodne vodne saglasnosti u postupku pribavljanja urbanističke saglasnosti za aktivnost ispuštanja tehnoloških otpadnih voda sa lokacije parkinga sa potpornim zidom u ulici Zmaja od Bosne, općina Bužim, na parcelama označenim kao k.č. 4410 K.O. Varoška rijeka, s obzirom da za predmetnu aktivnost nije propisana obaveza pribavljanja vodnih akata od strane ove Agencije.
2. Ova prethodna vodna saglasnost ne oslobađa podnosioca zahtjeva obaveze pribavljanja saglasnosti i dozvola, od strane drugih nadležnih organa, a sve u skladu sa važećim zakonskim propisima, odlukama i dr.

Obrazloženje

Investitor Škaljić Asim iz Bužima se obratio zahtjevom broj: 01/25 od 03.02.2025 godine za izdavanje prethodne vodne saglasnosti u postupku pribavljanja urbanističke saglasnosti za aktivnost ispuštanja tehnoloških otpadnih voda sa lokacije parkinga sa potpornim zidom u ulici Zmaja od Bosne, općina Bužim, na parcelama označenim kao k.č. 4410 K.O. Varoška Rijeka.

U postupku dostavljena je i pregledana sljedeća dokumentacija:

- Ovjereni kopiji lične karte Škaljić Asim;
- Ovjereni kopiji katastarskog plana, razmjera 1:1000, broj plana 18., UR broj: 02/1-26-470/2021-2 od 16.06.2021. godina izdato od Službe za prostorno uređenje, geodetske i imovinsko-pravne, Općina Bužim;
- Ovjereni kopiji zemljišnoknjižnog izvotka broj: 018-0-NAR-25-000 135 od 03.02.2025 godine, zk.uložak broj: 998, K.O. Varoška Rijeka, Općinski sud u Bosanskoj Krupi;
- Dokaz o uplaćenju upravnoj pristojbi;
- Studija u postupku pribavljanja prethodne vodne saglasnosti za ispuštanje tehnoloških otpadnih voda radi izgradnje potpornog zida u funkciji vanjskog uređenja parkinga u ul. Zmaja od Bosne, investitor Škaljić Asim iz Bužima, urađena od strane „SARAJ INŽENJERING“ d.o.o. Sarajevo, januar 2025. godine – 3 primjerka.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari.

Na osnovu dostavljene dokumentacije utvrđeno je sljedeće:

Lokacija na kojoj je planirana izgradnja potpornog zida u funkciji vanjskog uređenja parkinga nalazi se u ulici Zmaja od Bosne, općina Bužim, na parcelama označenim kao k.č. 4410 K.O. Varoška Rijeka.

Na dijelu predmetne parcele, između mosta preko Bužimnice i magistralne ceste Velika Kladuša M4.3-Bos. Otoka, u urbanom području naseljenog mjesta Bužim, u mješovitoj zoni stanovanje-rad, sa sjeverozapadne strane ceste, investitor planira izgradnju partera – parking prostora sa potpornim zidom, koji bi bio u funkciji poslovno-proizvodnog pogona za obradu drveta u neposrednoj blizini.

S obzirom na mikrolokaciju na parceli predviđen je paralelan parking u odnosu na ulicu. Parking je projektovan kao obostrani. Dužina ulazne parcele je 33,0 m a dužina parkinga je 24,0 m. Širina parkinga sa desne strane iznosi cca 4,10-5,30 m a sa lijeve strane širina parkinga je 2,70-4,70 m.

Parking bi se koristio za mehanizaciju poslovno proizvodnog pogona – pogon za primarnu obradu drveta.

U studiji je navedeno da će se zauljene vode sa manipulativnih površina parking prostora prikupiti na način da će isti biti asfaltiran te putem rigola, kanalisa i slivnika odvesti do kolektora oborinskih voda a potom na separator. Prečišćena voda će se ispuštati preko okna za monitoring u rijeku Bužimicu.

Imajući u vidu činjenicu da je na predmetnoj lokaciji planirana izgradnja potpornog zida u rijeci Bužimici napominjemo da je u skladu sa članom 17. stav (2) tačka 8. za izdavanje vodnih akata za aktivnost izgradnje mostova ili drugih objekata iznad ili u površinskim vodama II kategorije nadležno Kantonalno ministarstvo.

Na predmetnoj lokaciji ne nastaju oborinske onečišćene vode kako je to utvrđeno odredbama člana 3. stav 1. tačka (s) a u vezi sa tačkom (cc) Uredbe o uslovima ispuštanja otpadnih voda u okoliš i sisteme javne kanalizacije („Službene novine FBiH“, br. 26/20, 96/20 i 1/24).

Kako u predmetnom objektu ne nastaju tehnološke otpadne vode kao rezultat tehnološkog postupka, kao ni oborinske onečišćene vode kako je to utvrđeno odredbama člana 3. stav 1. tačka (s) a u vezi sa tačkom (cc) Uredbe o uslovima ispuštanja otpadnih voda u okoliš i sisteme javne kanalizacije („Službene novine FBiH“, br. 26/20, 96/20 i 1/24), odnosno nema ispuštanja tehnoloških otpadnih voda u smislu odredbi člana 139. stav 1. tačka (3). Zakona o vodama („Službene novine Federacije BiH“, broj 70/06), u skladu s članom 200. Zakona o upravnom postupku („Službene novine Federacije BiH“, broj 2/98, 48/99) riješeno je kao u dispozitivu rješenja.


Uputa o pravnom lijeku:

Protiv ovog Rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema Rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obradivač akta: Ahmedić Behija dipl.inž.tehn.

Po ovlaštenju
Rukovodilac sektora za izdavanje
vodnih akata



Nihad Pezo, dipl.inž.grad.

Dostaviti:

- Škaljić Asim, Zmaja od Bosne 4, Bužim (Prilog: Studija za izdavanje prethodne vodne saglasnosti (2 primjerka))
- ⊕ AVP Sava, ISV-vodna knjiga
- Sektor 40 – arhiva
- Oglasna ploča – AVP Sava